

Beşdarî

Di yekemîn sala perwerdehiyê da, tevahiya zarokan beşdarî polên JeKits'ê dibin. Fêrkari li polê û ligorî demajoya saetî tê lidarxistin, neçarî û bêpere ye.

Salên duyem, sêyem û çarem ên JeKits'ê dilxwazî û bi pere ye û hewcetî bi navnivîsandinê heye. Di babetên istîsna da, cihanîna JeKits 2 di şert û mercên taybet da li polê pêkan e.

Pîşk û para raberkirî ya mehane ya dêbavan herî pirr bi qasî 26 Euro ye (Sala Perwerdehiya 2) û herî pirr 35 Euro (sala Perwerdehiya 3 û 4) di berdêla her zarokekî di mehê da ye.

Ji kerema xwe ji dibistanê an şîrîkê derveyî dibistana xwe bipirse ku çiqas alîkariya mehane ya dêbavan bi awayê xweçihî tê wergirtin.

Sazên ku ji bo pola waneyê û temrîna li malê tînin raberkirin, wek emanet û bêpere ne.

Miafbûn û daşikandina

JeKits dixwaze ku heta radeya herî zêde ya pêkan xwe bigihîne hejmareke zêdetir a zarokan li NRW'yê û bi aşkiratî tevahiya zarokên dibistana JeKits'ê bêyî berçavgirtina jêderk an atmosfera wan a civakî wek armanca çalakiya xwe destnîşan kiriye.

Di esas da şert û mercên aborî li malbatê nabe ku hegerek ji bo beşarînekirina li JeKits'ê bin.

Ji ber vê yekê hin miafbûn û daşikandin jî hene. Zarokên malbatên ku yarmetiya hemwelatîyê, refahê an jî alîkariyên civakî yên mîna wan distînin, ji xercên beşdariyê bêpar in.

Her wiha ji bo zarokên ku dêbavên wan alîkariya mesrefa malê, alîkariya mesrefa zarokan, alîkariya fêrkariyê an xizmetên din li gorî Qanûna raberkirina xizmetan bo daxwazkerên Penabertiyê werdigirin, beşdarî belaş û bêpere ye.

Eger du an çend zarok ji malbatekê beşdarî bernameyê bibin, pişk û para raberkirî ya tam tenê ji bo zarokê yekem tê hesabkirin û ji bo zarokên din tenê nivê pere divê were dayîn.

Têkili

Hemû zanyariyên temamkirî derbarê JeKits'ê dikarî ji berpirsên bersivdêr li dibistana Mûzîkê, dibistana seretayî an dibistana taybet (Förderschule) a xwe werbigirî.

Her wiha tu dikarî agahiyên giştî li ser bernameyê ji Ofîsa Lijneya parêzgehî ya dibistanên Mûzîkê li NRW'yê (Lijneya tomarbûyî) li vê adresê werbigirî: www.jekits.de.

Ev bername ji aliyê parêzgeha Nordrhein-Westfalen'ê va bi beşdariya beşên NRW'yê û malbatên beşdar ji hêla aboriyê va tê dabînkirin.

Lijneya parêzgehî ya dibistanên mûzîkê li Nordrhein-Westfalen'ê (Lijneya Tomarbûyî)
Börnstraße 10
40211 Düsseldorf

info@jekits.de
www.jekits.de



JeKits

Saz, reqs, awaz ji bo her zarokî

Zanyarî ji bo dêbavan
lio ser Saz

Dayîk/bavê hêja,

Tu bi xêr hatî JeKits’ê Zarokê te li dibistanekê ye ku tê da „JeKits – Saz, reqs, awaz ji bo her zarokekî“ tê raberkirin.

JeKits çi ye?

JeKits bernameyeke fêrkariya çandî li dibistanên seretayî û taybet li parêzgeha NRW’yê ye. Sê babetên wê yên sereke hene: Saz, reqs an Awaz. Zarokan ev derfet heye ku di serdema dibistanê da beşdarî vê bernameyê bibin.

Armancên JeKits’ê çi ne?

Ji heman destpêkê va, hûrbûna li ser jenînan saz, reqîsîn û strîn (xwendina awazan) bi hev ra ye. Zarok pisportiyên mûzîk û reqsê werdigirin û wan xurt dikin. Ew bi vê rêyê derfetên derbîrîn û feraseta xwe ya hunerî keşf dikin. Pêşketina wan bi hînbûna civakî, afirînerî û danûstandina çalak di gel mûzîk û reqsê li nav komê tê piştgirîkirin. Tecrubeyên cûr bi cûr û naveroka fêrkariyê ya avaker, bingehek ji bo jenînan saz, reqs û strîn anku xwendina awazan e. JeKits dixwaze ku heta radeya herî pêkan xwe bigihîne hejmareke zêdetir a zarokên NRW’yê fêrkariya mûzîk û reqsê bêyî berçavgi-rtina jêderk an atmosfera wan a civakî raberî wan bike. JeKits ji hevkarîya navbera dibistan û şîrîkên derveyî dibistanê piştgirî dike. Bi vî awayî JeKits pêşniyazên çandî dewlemend dike û wan xurt dike.

Çi xalên lêhûrbûnê hene?

Her yek ji fêrgehên JeKits’ê yek ji warên sereke yên lêhûrbûnê – saz, Reqş an jî Strînê raber dike. Dibistana te bala xwe ya herî zêde daye ser Sazan.

Şîrîkên hevkarîyê kî ne?

Dibistana te JeKits’ê di gel şîrîkekî derveyî dibistanê bi cih tîne. Di warê sazan anku amûrên Mûzîkê da, ev wek mînak dibistana mûzîka xwecihî ye. Fêrkarên wan bi giştî ji bo fêrkirina JeKits’ê tîn dibistanê. JeKits ji bo waneyên mûzîkê yên dibistanê tê lidarxistin û dewsa wan nagire.



Yekemîn sala JeKits’ê (JeKits 1)

Di yekemîn sala JeKits’ê da çi diqewime?

Di yekemîn sala JeKits’ê da tevahiya zarokan tîn vexwendin da ku bi hev ra bijenin. Zarokê te cîhana mûzîkê vedibîne anku keşf dike. Li wir distirên, direqîsîn û bi sazên cûr bi cûr mûzîkê dijenin. Bingeheên mûzîkê tîn fêrkirin, sazên cûr bi cûr tîn nasandin û jenandin.

Di yekemîn sala JeKits’ê da fêrkarî bi çi awayî tê lidarxistin?

Fêrkirina JeKits’ê her hefteyekê carekê li nav polê pêk tê û beşeke dersên dibistanê ye. Fêrkirin bi şêwaza xwedîbergiravî „Hevdudanî“ pêk tê: Mamosteyê dibistana muzîkê bi mamosteyê dibistana seretayî an jî bi mamosteyê dibistana taybet re dersê organîze dike.

Beşdarî neçarî û belaş e.

Di dawîya sala xwendinê ya yekem de, zarokê we dikare amûrek mûzîkê hîlbijêrin ku ew dixwaze di sala duyemîn a JeKits de fêr bibe.

Sala duyem heta çarem a JeKits’ê (JeKits 2-4)

Ji sala duyem a JeKits’ê va çi diqewime?

Ders ji sala perwerdehiya duyem va li gorî naverok û ezmûnên fêrbûyî ji sala yekem a JeKits’ê ne. Pisportiyên mûzîkê yên biderstxistî tîn xurtkirin û berfirehkirin.

Zarokê we dê her hefte du dersan bistîne: Ji destpêkê ve, ew hemî bi zarokên din re di koma JeKits de muzîkê çêdikin û di komên piçûk de dersên muzîkê digirin.

Stran û aheng tîn jenandin, jixwegotina stranan pêk tê û bingeheên geşatiya pisportiyên mûzîkê tîn danîn û xurttir dibin. Polên waneyê atmosferek ji bo çalakî û beşdariya afirînerane raber dikin, bi awayekî ku her zarokek dikare kesayetîya xwe di komê da nîşan bide. Bi jenînan mûzîkê bi awayê hevpar, zarok hîn dibin ku xwe û kesên din tîn bigihêjin. Ew dikarin bertek nîşanî vîn û armancên komê bidin û hewil bidin ku wan di jenînan sazê xwe da bi kar bînin. Ew xwe wek beşeka civakê dibînin û her zarokekî ev şans û bext heye ku sipasîkîrin, xwe-kêrhatîbûn û şiyana xwe biceribîne. Tevahiya van babetan bingehek ji bo jenîna sazên zêdetir çêkirina mûzîkê di sala perwerdehiya ya 3 û 4an da ye.

Di her saleke perwerdehiyê da, zarokan ev derfet heye ku bi hev ra saz bijenin an bistirin û li ser dikê bin.

Ji sala duyem a JeKits’ê va fêrkarî bi çi awayekî pêk tê?

Zarokê te du saetên waneyê dê di hefteyê da werbigire: waneyek di Koma JeKits’ê da û ya din di Koma Saz da. Di babetên istîsna da û di şert û mercên taybet da derfeta lidarxistina JeKits 2’ê li nav Polê heye.

Fêrkirin ji aliyê fêrkarên mûzîkê yên ji dibistana mûzîka xwecihî pêk tê.